



UNIVERSITÄTS-
BIBLIOTHEK
PADERBORN

Universitätsbibliothek Paderborn

Regeln Christliches Lebens

Walther, Georg

Witteberg, 1572

VD16 W 974

X. Vleissig vnd trewlich sein in seinem Beruff. Vleis. Trewe. Vnvleis.
Vntrew.

urn:nbn:de:hbz:466:1-35296

Vleissig vnd trewlich sein in
seinem Beruff.

Vleis.

Trewe.

Vn vleis.

Vntrew.

Gottes Gebot.

Rom. 12. Hat jemand ein Ampt/so warte
er des Ampts. Leret jemand / so warte er der
Lere. Ermanet jemand/so warte er des ermanens.
Gibt jemand/so gebe er einfeltiglich. Re-
girt jemand / so sey er vleissig. Vbet jemand
Barmhertzigkeit / so thue ers mit gutem wil-
len.

1. Timot. 3. Desselbigen gleichen die Weib-
er sollen erbar sein/ nicht lesterinne/ nächtere/
trew/in allen dingen.

2. Timoth. 2. So sey nu stark mein Gott/
durch die gnade in Christo Ihesu/ vnd was du
von mir gehöret hast / durch viel zeugen / das
befehl trewen Menschen / die da tüchtig sind
auch andere zu leren.

Bewegung.

Psaln 101. Meine augen sehen nach den
trewen im Lande / das sie bey mir wonen/vnd
habe gerne frome diener.

Spruch

Spruch Salo. 10. Lessige hand mache arm / Aber der vleissigen hand macht reich.

Spruch Salo. 12. Ein vleissig Weib ist eine Krone ihres Mannes / aber ein vn vleissige ist ein eiter in seinem Gebirne.

Spruch Salo. 28. Ein trewer Man wird viel gesegnet.

Matth. 24. Welcher ist aber nu ein trewer vnd kluger Knecht / den der HERR gesetzt hat / vber sein Gesinde / das er inen zu rechter zeit speise gebe. Selig ist der Knecht / wenn sein Herr kompt / vnd findet in also thun. Warlich ich sage euch / er wird in vber alle seine Gitter setzen.

Matth. 25. Gleich wie ein Mensch der vber Land zog / ruffete seinen Knechten vnd thet inen seine Gitter ein / vnd einem gab er fuff Centner / dem andern zween / dem dritten einen. Vber ein lange zeit / kam der HERR dieser Knechte / vnd hilt rechenschafft mit inen. Da trat herzu der fuff Centner empfangen hatte / vnd legt ander fuff Centner dar / vnd sprach / Herr du hast mir fuff Centner gethan / Sihe / da habe ich damit andere fuff Centner gewonnen. Da sprach sein Herr zu im. Sy du fromer vnd getrewer Knecht / Du bist vber wenig getrew gewesen / Ich wil dich vber viel setzen / Gehe ein zu demes Herren freude. Da trat auch herzu / der zween Centner empfangen hatte / vnd sprach / Herr / Du hast mir zween Centner gethan / Sihe da / ich habe mit demselben zween ander gewonnen. Sein Herr sprach zu im. Sy du fromer vnd getrewer Knecht / du bist

bist

du bist vber wenigem getrew gewesen / ich wil dich vber viel setzen. Gehe ein zu deines Herrn freude.

Da trat auch er zu der einen Centner empfangen hatte / vnd sprach / Herr / ich wuste das du ein harter Man bist / du schneidest wo du nicht geseet hast / vnd samlest das du nicht gestrewet hast / vnd furchte mich / gieng hin / vnd verberg deinen Centner in die Erden / Siehe da hastu das deine. Sein Herr aber antwortet / vnd sprach zu im / Du Schalck vnd fauler Knecht / Wustestu das ich schneide / wo ich nicht geseet habe / vnd samle da ich nicht gestrewet habe / So soltestu mein Geld zu den Wechsellern gethan haben / vnd wenn ich Komen were / hette ich das meine zu mir genommen mit wucher. Darumb nemet von im den Centner / vnd gebets dem der zehen Centner hat / denn wer da hat dem wird gegeben werden / vnd wird die fülle haben. Wer aber nicht hat / dem wird auch / das er hat genommen werden.

Luce 16. Wer im geringsten getrew ist / der ist auch im grossen trew / Vnd wer im geringsten vnrecht ist / der ist auch im grossen vnrecht. So ir nu in dem vnrechten Mammont nicht trew seid / wer wil euch das warhaffrige vertrauen? Vnd so ir in dem frembden nicht trew seid / Wer wil euch geben dasjenige das ewer ist.

Exempel der Trew.

1. Sam. 3. Samuel nam zu / vnd der H^{er} war mit im / vnd fiel keines vnter allen seinen

seinen worten auff die Erden. Vnd ganz Isray
el/ von Dan an bis gen BerSaba / erkandte
das Samuel ein trewer Prophet des **HERN**
XX war.

Psalm 44. Dis alles ist vber vns komen/
vnd haben doch dein nicht vergessen / noch vns
trewlich in deinem Bund gehandelt.

Coloss. 1. Wie jr gelernet habt von Epas
phra / vnserm lieben Mitdiener/welcher ist ein
trewer diener Christi fur euch.

Exre. 3. Moses war trew in seinem ganz
en Hause/als ein Knecht zum zeugnis des/das
gesagt solt werden.

Exempel der vntrew.

1. Maccab. 10. Da man solchen Brieff
Jonathe vnd dem Volck las / wolten sie im
nicht trawen / vnd namens nicht an / denn sie
wusten wol. welch vntrew / vnd grawsame Ty
ranney er zuor gegen Israël geübt hatte.

XI.

Danckbar sein fur empfanges
ne wolthaten.

Danckbarkeit.

Vndanckbarkeit.

Gottes Gebot.

Coloss. 2. Wie jr angenommen habt den
HERN Christum Ihesum / so wandelt in im/
DD vnd